

四庫全書

子部

欽定四庫全書

全芳備祖前集卷四

宋 陳景沂 撰

花部

紅梅

事實祖

紀要

南唐苑中有紅羅亭四面專植紅梅

雜志

蜀中有紅梅

數本郡侯建閣扁鑰游人莫得見一日有兩婦人高髻

大袖凭闌大笑郡侯啟鑰聞不見人惟東壁有詩云南
枝向暖北枝寒一種春風有兩般憑仗高樓莫吹笛大
家留取倚闌干拾遺

雜著

紅梅粉紅標格猶是梅而繁密則如杏香亦類杏詩人
有北人初不識渾作杏花看之句與江梅同開紅白相
間園林初春絕景也梅聖俞詩云認桃無綠葉辨杏有
青枝當時以為著題東坡詩云詩老不知梅格在更看

綠葉與青枝蓋謂其不類為紅梅解嘲云承平時此花
獨盛於姑蘇晏元獻公始移植西岡圃中一日貴游賂
園吏得一枝分接自是都中有二本嘗與客飲花下賦
詩云若更開遲二三月北人應作杏花看客曰公詩固
佳待北俗何淺耶晏笑曰傖父安得不然王琪君玉時
守吳郡聞盜花種事以詩遺公曰館娃宮北發精神粉
瘦寒瓊露葉新園吏無端偷折去鳳城從此有雙身當
年罕得如此比年不可勝數矣世傳吳下紅梅詩甚多

惟方子通一篇絕唱有紫府與丹來換骨春風吹酒上
凝脂之句 鴛鴦梅多葉紅梅也花輕盈重葉數層凡
雙果必並蒂惟此一蒂而結雙梅亦尤物也杏梅花比
紅梅色微淡結實甚匾有爛斑色似杏而不及紅梅並

石湖
梅譜

賦咏祖

五言散句

學粧如少女聚笑發丹唇

聖俞

笑杏少清香鄙桃多俗趣

七言散句

沙村白雪仍含凍江縣紅梅已放春

杜甫

桃花已滿秦人洞杏樹猶存董奉祠

聖俞

小園寂寞鎖春風初見梅花一樹紅

芸史

若更開遲二三月北人應作杏花看

元獻

月浸繁枝香冉冉露浮紅萼曉團團

參寥

堅白雖占南枝先淺紅猶待北人識

鄭安晚

梅花精神杏花色春入蓮洲初破萼

王梅漢

要是此花清絕處端如醉面讀離騷

徐月漢

初疑樊素櫻初熟却訝真妃酒半酣

白香山香

五言絕句

春半花纔發多應不耐寒北人初不識渾作杏花香

王荆

公

五言八句

閒說寒梅盡尋芳去已遲冷香無宿藥穠艷有繁枝正

復非同調何妨讀舊詩
廣平偏嫵媚
鉄石悞心期

朱文公

七言古詩

紅羅亭中宮漏遲
宮花四面誰得知
初疑太真欲起舞

霓裳拂拭天然姿

周益公

冰容戲作桃花色
醉臉雅與神仙宜
江兄蠟友已前輩
王生後出非同時
丹心真與勁節侶
疎影共浸清漣漪

王梅

溪

似桃非桃杏非杏
獨與江梅相早晚
天姿約畧帶春酲

便覺花容太柔婉霞觴漱艷玉妃醉應誤劉郎來閨苑
會須參作比紅詩莫學牆頭等閒見

七言絕句

年來芳信負紅梅江畔垂垂又欲開珍重多情關令尹

直和根撥送春來

東坡

為君栽向南堂下記取他年結子時酸醎不堪調衆口
使君風味好攢眉

何處曾臨阿母池深將絳雪點寒枝東牆羞頰逢誰笑

南國酡顏強自持

毛東堂

紫府移來蛇早芳
玉容寂寞試紅粧
花含曉雨胭脂濕
枝繞春風絳雪涼

寒香冷艷綴輕枝
誤認夭桃未放時
盛飾霓裳陪越女

不施粉黛抹胭脂

徐介軒

輕盈弄月醉霞觴
嬌軟酡顏褪曉粧
縞素叢中紅一點
好花終是不尋常

誰將醉裏春風面
換却平生玉雪身
賴得月明留瘦影

芳心香骨見天真

楊平洲

才是胭脂半點侵更無人信歲寒心自來不得東風力

又被東風誤得深

沈蒙齋

七言八句

怕愁貪睡獨開遲自恐冰姿不入時故作小紅桃杏色

尚餘孤瘦雪霜姿寒心未肯隨春態酒暈無端上玉肌

詩老不知梅格在更看綠葉與青枝

東坡三首

雪裏開花却是遲何如獨占小春時纔知造物含深意

故與施朱發妙姿
細雨裛殘千點淚
輕寒瘦損一分肌
不應便雜夭桃杏
半點微酸已著枝

山人自恨探春遲
不見檀心未吐時
丹鼎奪胎那是寶
玉人頰頰更多姿
抱叢暗藥初含子
落盡濃香已透肌
乞與徐熙畫新樣
竹間璀璨出斜枝

嬌來淺淺透烟光
瘦倚疎篁出半墻
雅有風情勝桃杏
巧含春意避冰霜
融明醉臉籠輕暈
斂掩仙袞感嫩黃
日暮風英墮行袂
依稀如著領巾香

樂府祖

蝶戀花

兩岸月橋花半吐紅透肌香暗把遊人誤盡道武陵溪
上路不知迷入江南去光自冰霜真態度何事枝頭
點點胭脂污莫是東君嫌淡素問花花又嬌無語

真西山

留春令

玉妃春醉夜寒吹墮江南風月一自情留館娃宮在竹
外尤香絕貪睡開遲風韻別向杏花休說角冷黃昏

艷歌殘怕驚落胭脂雪

高竹屋

木蘭花

當日嶺頭相見處玉骨冰肌元淡竚近來因甚要濃粧
不管滿城桃李妬酒暈晚霞春態度認是東皇偏管
顧生羅衣褪為誰羞香冷薰爐都不覩

毛東堂

菩薩蠻

嶠南江淺紅梅小小梅紅淺江南嶠窺我向疎籬籬疎
向我窺老人行即到到即行人老離別惜殘枝枝殘

惜別離

東坡

花心動

雨洗胭脂被年時桃花杏花占了獨惜野梅風骨非凡
品格勝如多少深春常恨無顏色試濃抹當場微笑趁
時節千般冶艷是誰偏好直與歲寒共保問單于如
今幾分嬌小莫怪山人不識南枝橫玉自未同調豈須
摘葉分明認又何必拈枝比較恐桃李開時妬他太早

馬古
洲

折江梅

喜輕澌初綻漸入微和郊原時節春消息夜來陡覺紅
梅數枝爭發玉溪珍館不似箇尋常標格化工別與一
種風情似勻點胭脂染成香雪重吟細閱比繁杏天
桃品流終別可惜彩雲易散冷落謝池風月憑誰向說
三弄處龍吟休咽大家覓取待依倚闌干聞有花堪折

勸君須折

杜安世

蠟梅

事實祖

紀要

京洛間有一種花香氣似梅花亦五出而不能品明類
女工撚蠟所成京洛人因謂蠟梅本身與葉巧類蒴藿
實高州家有灌叢香一園也

山谷詩序

蠟梅山谷初見之戲

作二絕緣此盛於京師

王元之詩話

雜著

蠟梅本非梅類以其與梅同香又相近色酷似蜜脾故

名蠟梅以子種出不經接花小香淡其品最下俗謂之
狗蠅梅經接花疏雖盛開花常丰含名磬口梅言似僧
磬之口也最先開色深黃如紫檀花密香濃名檀香梅
此品最佳蠟梅香極清芳殆過梅香初不以形狀貴也
故雖題詠山谷簡齋但作五言小詩而已此花多宿葉
結實如垂鈴尖長寸餘又如大桃奴子在其中

范石湖
梅譜

賦咏祖

五言散句

不施千點白別是一家春

陳簡齋

七言散句

蠟梅遲見二年花

杜牧之

花鬢醞蜜共稱美蜜脾剪花噴沉水

蘇伯華

底處嬌黃蠟樣梅幽香解向北窗開

李方叔

紫蒂黃苞破臘寒清香旋逐角聲殘

曾文昭

五言古詩

金蓓領春寒惱人香未展雖無桃李顏風味極不淺

山谷

休熏山麝臍色染薔薇露披拂不滿襟時有暗香度

黃羅作廣袂絳帳作中單人間誰敢著留得護春寒

陳簡

齋七

首

朱朱與白白着意待春開那知洞房裏已傍額黃來

一花香十里更值滿枝開承恩不在貌誰敢鬪春來

花房小如許銅砌黃金塗中有萬斛香與君細細輸

來從底處所黃露滿衣濕綠態翻得憐亭亭倚風立

奕奕金仙面排行立曉晴殷勤夜來雪小住作珠璣

亭亭金步搖朝日明漢宮當時好風景一似此園中

寒裏一枝春白間千點黃道人不好色行處若為香

陳后

山七

荀

異色深宜晚生香故觸人不施千點白別是一家春

舊鬢千絲白新梅百葉黃留花如有待迷國更煩香

冉冉梢頭綠婷婷花下人欲傳千里信暗折一枝春

黃裏含真意春容帶薄寒欲知誰稱面偏挿一枝春

花裏重重葉釵頭點點黃祇應報春信故作着人香

色輕花更艷體弱香自永玉質金作裳山明風弄影

蝶採花成蠟還將蠟染花一經坡谷眼名字壓羣葩

王梅

溪

五言八句

風雪催殘臘南枝一夜空誰知荒草裏却有暗香同姿

瑩輕黃外芳騰淺絳中不遭岑寂侶何以媚芳叢

朱文公

栗玉圓雕蕾金鐘細著行來從真蠟國自號小黃香夕

吹撩寒馥晨曦透暖光南枝本同姓喚我作他揚

楊誠齋

七言古詩

天公點酥作梅花此有蠟梅禪老家蜜蜂採花作黃蠟
取蠟為花亦其物天公變化誰得知我亦見戲作小詩
君不見萬松嶺上黃千葉玉蕊檀心兩奇絕醉中不覺
度千山夜間梅香失醉眠歸來却夢尋花去夢裏花仙
覓奇句此間風物屬詩人我老不歡當付君君行適吳
我適越笑指西湖作衣鉢

東坡

化人巧作綉樣花何年落子空王家羽衣霓裳浣香蠟

從此人間識尤物青瑣諸郎却未知天工下取仙翁詩
烏丸難距寫玉葉却怪寒花未清絕北風驅雪度關山
把燭看山夜不眠明朝詩成公亦去長使梅仙誦佳句
湖山信美更須人已覺西湖屬此君坐想明年吳興越
行酒賦詩聽擊鉢

陳后山

梅花已自不是花冰魂謫墮玉皇家不餐烟火更餐蠟
化作黃姑瞞造物后山未覺坡先知東坡勾引后山詩
金花勸飲金荷葉兩公醉吟許孤絕人間姚魏說如山

令人眼暗只欲眠此花寒香來又去惱損詩人難覓句
月薰花影却三人欠箇文同作墨君吾詩無復古清越
萬水千山一瓶鉢

楊誠齋

智瓊額黃且亂誇回眼視此風前葩家家融作蠟杏蒂
歲歲逢梅是蠟花世間真偽非兩法映日細看真是蠟
我今嚼蠟已甘腴况此有韻蠟不如只愁繁香欺定力
熏我欲醉須人扶不辭花前醉經月是酒是香君試別

陳簡齋

七言古詩散聯

化工未約荼蘼花先放
細梅伴羣玉幽姿著意慕鉛黃

正色何心駐萼綠

周益公

色含天苑驚兒黃
影蘸瀛波鴨頭綠
日烘喜氣光燭鬚

雨洗道粧鮮映肉

王梅溪

七言絕句

聞君寺後野梅發
香蜜染成宮樣黃
不擬折來遮老眼

欲知春色到池塘

山谷

天工戲剪百花房奪盡人工更有香埋玉地中成故物
折枝鏡裏憶新粧

卧雲莊上殘花發香似早梅開不遲殘色春衫弄風日
遺來當為作新詩

未教落葉混冰池且著輕黃掇雪衣越使可因千里致

春風元自不曾知

晁兄
啓

恐是醪醕染作黃月中清露滴來香定知何遜牽詩興
借與穿簾一點光

茅簷竹塢兩幽奇岸幘尋花醉亦知崖窰已成蜂去盡

夜寒惟有露房垂

晁其茂
三首

茶蘼架倒花盡發薜荔牆堆石亦移此地與君凡幾醉
年年同賦蠟梅詩

步屨穿花醉晚風翻枝摘葉興何窮他年上苑求佳種
越白江紅掃地空

劉郎不獨種桃花蠟葉柔香更佳臭味相同林下友

從今花木亦通家

王梅
漢

路入君家百步香，隔簾初試漢宮妝。只疑夢到昭陽殿，

一簇輕紅繞淡黃。

韓子蒼

香蜜裁葩分外工，疎枝數點綴雛蜂。嬌黃染就宮粧樣，

香煖猶宜愛日烘。

楊誠齋

滿面宮粧淡淡黃，絳紗封蠟貯幽香。遙憐未識花消息，

乞與一枝教斷腸。

張子湖

花簇柔枝疑蜜竅，蒂含新藥似蜂房。外無梅粉鉛華飾，

中有蘭心紫暈香。

姚西巖

幽黃織就費天機付與園林晚出枝詩老品題猶誤在

紅梅未是獨開遲

周益公

江梅珍重雪衣裳薄相紅梅學杏粧渠獨小參黃面老

額開艷艷發金光

楊誠齋

蜜蜂底物是生涯花作餽糧蠟作家歲晚略無花可採
却將香蠟吐成花

天向梅梢獨出奇國香未許世人知殷勤滴蠟絨封却
偷被霜風折一枝

樂府祖

十八香

蠟換梅姿天然香韻初非俗蝶馳蜂逐蜜在花梢熟
岩壑深藏幾載甘幽獨因坡谷一標題目高價掀蘭菊

梅溪

踏莎行

粟玉玲瓏甕酥浮動芳跗染得胭脂重風前蘭麝作香
寒枝頭煙雪和春凍蜂翅初開蜜房香弄佳人寒睡
愁如夢鵝黃衫子茜羅裙風流不與江梅共

毛東堂

十拍子

點綴莫窺天巧名稱却道人為香醞蜜脾分幾點色映
烏雲倚一枝遙看步賞遲映水不嫌疎影嬌春也自
同時紅樹落殘風乍暖寒管聲長曉更催此時知不知

馬古
洲

浪淘沙

嬌額尚塗黃不入時粧十分輕脆奈風霜幾度細腰尋
得蜜錯認蜂房東閣久淒涼江路悠長休將顏色較

芬芳無奈世間真若偽賴有幽香

天香

蟬葉黏霜蠅苞綴凍生香遠帶風峭嶺上寒多溪頭月
冷北枝瘦南枝小玉奴有姊先占立墻陰春早初試宮黃
淡薄偷分壽陽纖巧銀燭淚深未曉酒鍾慳貯愁多
少記得短亭歸馬暮衙蜂鬧豈蕊釵頭恨裏但悵望天
涯歲華老遠信難封吳雲雁杳

吳夢
憲

千秋歲

曉烟溪畔曾記東風面更與重裁剪額黃明艷粉不共
妖紅軟凝露臉多情正似當時見誰向滄波岸特地

移閒館情一縷愁千點煩君搜妙語為我催清燕須細

看紛紛亂蕊空凡艷

葉石林

卜筮子

蜜葉蠟蜂房花下頻來往不知辛苦為誰甜山月梅花
上玉質紫金衣香雪隨風蕩人間喚作返魂梅仍是

蜂兒樣

李方舟

全芳備祖前集卷四

欽定四庫全書

全芳備祖前集卷五

宋 陳景沂 撰

花部

瓊花

事實祖

碎錄

揚州蕃釐觀即古之后土祠

廣陵志

紀要

揚州后土廟瓊花或云自唐所植即李衛公所謂玉葉花也舊不可移徙今京師亦有之

宋徽宗春明退朝錄自

淮南還東平移后土廟瓊花植於濯纓亭此花天下

只一株耳永叔為揚州作無雙亭以賞之彼土人別號

八仙花或云李衛公玉葉花即此

劉原父詩序

瓊花惟

揚州后土廟有之其他皆八仙花近似而非鮮于子駿

詩云百蘂天下多瓊花天下希托根古靈寺地著不

可移八蓓冠羣芳一株攢萬枝

韻語陽秋

揚州后土廟

有瓊花一株潔白可愛且其樹大而花繁不知實何從來也俗謂之瓊花因賦詩以狀其態

劉禹錫詩序

后土

廟瓊花本大而花繁天下無之孫冕過維揚使人訪之山人謂山中甚多但歲苦樵斧野燒故本不能大而花不能盛遂不為人所貴復傷之以詩曰可憐遐僻地常化燎原炭其說蓋誤以聚八仙花為此花耳聚八仙花雖類瓊花而瓊花之異者其香如蓮花清馥可愛雖剪折之餘韻亦不減此聚八仙花之所無也昔張昌言瓊

花賦有云聚八仙之殊種玉蝴蝶之別族葉扶踈而韻
不勝色近似而香不足此善辨者

廣陵志

瓊花天下無

雙昨因征騎侵軼或謂所存非舊疑黃冠以聚八仙補
種其處未知然否屬自合肥易鎮來此所觀郡國中聚
八仙若驟然過目大率相類及細觀熟玩不同者有三
瓊花大而瓣厚其色淡黃聚八仙花小而瓣薄其色微
青不同者一也瓊花葉柔而瑩澤聚八仙葉粗而有芒
不同者二也瓊花藥與花平不結子而香聚八仙藥低

於花結子而不香不同者三也余尚未敢自信嘗取花
雜示兒輩皆能識而別之始乃無疑遣后土祠宇頽弊
鳩工撤舊鼎為增建時當季夏非花放之日忽一枝夏
然特開于其杪邦人競觀莫不嘉歎余生罕信奇談倘
非目擊則謂好事者誇誕今觀此靈異豈非司花之神
鑒余之信心乎故為之辨以驗來者

揚帥鄭
興高辨余

自京口過揚州尋訪舊事知世所傳后土瓊花在今城
之蕃釐觀亟往謁蕃釐觀故瓊花猶在然余聞紹興辛

己之變金兵入揚州已揭其本而去何從復得此種也
觀壁間諸公所紀載直排世俗謠謂道士以聚八仙嗣
其名聚八仙葉辦色香皆不類余曾不及見二花開時
類不類不得知獨怪金兵既揭其本復何從得此種也
有老道士出鬚髮皓然自言生於崇寧間今八十有六
載矣能叙今花本末余與對坐于花之亭西改容而問
道士指花之根幹而言曰此某手所培護而至此者也
指觀之大門而言曰此向之殿廬處也指所坐之亭曰

此向之無雙亭廬也花舊在無雙亭下殿西之北自紹興十五年向龍圖子諲以殿廬地勢狹小徙置轉後則花當殿西之南更三十一年知郡事劉澤復命移花于殿之前即今之花處乃是歲八月十五日也初二十四年時直花之東南離三四尺許倏然一小根枝葉日茂其下大徑寸至其放花向背疎密移之不敢易又十一月金兵渡淮趨揚州直入觀搨花本去其小者剪而誅之於時某方避亂奔走初亦不知也兵既退某始以十

二月來舊地是時訓練官成平領兵馬依觀屯寨其軍人接某曰觀主至耶瓊花已毀於兵旁有一小根微見地而可識認非其種否某心知之難以口古定惟告以瓊花若剔其根皮投之火則臭達於鼻于是剔其根皮投之火果臭達於鼻軍人皆喜歡某即默禱后土移植之他處日往護之越明年二月既望夜中天大雷雨某詰朝起視兩廡蚯蚓布地皆滿往所植根旁則勃然三藥從根發出矣自是遂條達不已至於今三十年之久

見其婆婆偃蓋當不忘斷根時也道士既言余為之竦然曰盛衰感應之理豈可不知其故哉夫他日不生小根而倏然起於二十四年兆先見也去辛巳八年者以養穉也離離且三四尺許者不併揭也剪而復萌者終盛也天大雷雨蚯蚓布地而三蘖勃然者蚯蚓伏深壤陽氣驟趣之則動植俱奮也以人事言之不知趙孤漢孤之不忘何以異是自微而存存而有立扶植成就以至後日則程嬰丙吉之功道士宜獲其報今之享上壽

倘有相之者余恐道士死後來者無以知今花本末而
其疑不解也故序而書之其間歲月事故之參錯煩委
有可附見者悉不敢畧以知其不誣若其他靈異甚多
未暇及也道士姓唐名大寧余實金華杜旂

紹興二年記

揚州后土祠瓊花經兵火後枯而復生今歲猶盛邦
人喜之以為和平之證也乃賦之賦曰偉東南之會都
滋黑壤之饒飫萃溫潤之秀氣發英華於地軸是為瓊
花異於凡木香凝媚服之蘭色瑩光明於玉托根后土

之祠擢榦蜀岡之麓曾不知其歲年以弗紀於圖籙欲
問司花之女但注詩人之目謂天下之一株冠羣葩之
芳馥豈唐昌之餘芳載後庭之遺曲者乎當其風入琳
宮春歸華屋萼折青綃色凝寒綠枝珊瑚兮鏤冰雪
藥珠璣兮爛金粟廣庭靜兮朝曦麗其纖穠仙藥深兮
瑞露滋其芬郁瑶林挺蔥蒨之奇閨苑耀琪英之煜若
蓋而繡似璧而殼如黃琮瑚璉璀璨于裡壇而文珠佩
環玲瓏乎衣鞠桂娥競爽借月影於冰蟾阿母來觀下

雲軒于皓鵠儷靚容於茉莉抗素馨于薝蔔笑玫瑰於
塵凡鄙荼蘼于淺俗惟水仙可並其幽閒而江梅似同
其清淑真絕代之無雙久彌芳于幽谷若乃聚八仙之
殊種玉蝴蝶之別族葉扶疎而韻不勝色近似而香不
足猶瑾瑜琬琰之溫溫豈砒砒堅珉之碌碌蓋妖雅爭
妍者衆之所同而黷潔尚白者我之所獨是以兵火不
能焚塵霾不能辱根常移而復還本已枯而再續疑神
物之護持偏化工之茂育抑將薦瑞于中興而致祥

於玉燭

張昌言

余聞瓊花之名甚久而未之見因觀滿

山張公所為賦如親見之不獨筆端有口幾於為花傳
神花固奇矣賦亦妙哉白樂天謂世間好物不堅牢綵
雲易散琉璃脆此花瑰麗冠絕羣品而壽乃若是物理
豈一端而已恐不屈於崇高有節婦之操不滯於榮枯
有列仙之姿孰云無知似有道者萬物得一以生一者
道之子庶青牛之遺課乎賦比物引類曲盡其妙窮神
知化而若此嗣孫齊見宰江都將鏤石以遺邦人屬予

題跋并書其賦歸之

龍舒守吳宗旦跋

賦詠祖

五言散句

崑山採瓊藥可以鍊精魄

七言散句

后土祠中玉藥花

千點真珠擎素葉一環明玉破香葩

韓魏公

且將書寄南來雁為問瓊花果是非

陳止齋

蘆笋滿洲銀鱸美瓊花滴露玉醅醇

葉西澗

五言古詩

維揚一株花四海無同類
年年后土祠獨此瓊瑤貴
中含冰麝芳外團蝴蝶戲
酴蘼不見香芍藥慙多媚
扶疎翠蓋圍散亂真珠綴
不從衆格繁自守幽姿粹
嘗聞好事家欲移京輅地
既違孤潔情終誤栽培意
洛陽紅牡丹適時名轉異
新榮托舊枝萬狀呈妖麗
天工借顏色深淡隨人智
三春愛賞時車馬喧如市
草木稟賦殊得

失豈輕議我來首見花對花聊自醉

韓魏公

五言絕句

因此瓊花發維揚勝洛陽若無三月雨占斷一春香

俞公

五言八句

無雙亭下枝密密復稀
稀蚌碎珠駢出鬚
牽蝶合圍會須珍作寶
常恐散成飛
况值東風暮
游人莫易歸

王逢原

七言古詩

春皇自厭花多紅欲得花顏如玉容春皇青女深相得
先教臉似秋霜色乃有雪月供光星榆獻白斛量銀漢
琉璃濕人間美玉搗作灰荆山崑山鬼神泣天上有人
名玉女投壺之外能為素姑射神人會種花先須此物
為根芽天罅地竅掬精粹蟾身驪頤偷光華其時正值
天地交二氣上下陰陽調此花孕育得其正其間邪氣
無纖毫所以其色為正色出乎其類拔乎萃一如君子
有諸內粹然其色見乎外三月將盡四月前百花開盡

春蕭然揚州日暖花開未春香不動花房閉仙掌秋高
玉露濃蛟人泣下珠璣碎黃鸝本是花間客啼盡好聲
求不得春皇費盡養花心春風使盡開花力春歸鶯老
花始開誰人放出深閨來唐家天子太平時太真浴罷
華清池紅裳繡袂厭君眼更作地仙披羽衣麻姑睡起
蓬萊島風吹玉面秋天曉洛川女子能長生永生肌骨
成瑤瓊褒姒不見諸侯兵盡日不笑如無情宋玉移家
安在哉東鄰不畫胭脂卓文君去成都速錦衣珠翠

慵裝束吹簫容貌果何如見說其人名弄玉此花莫似
武昭儀出得宮來不畫眉若比此花俱不是淫妖怪艷
丈之累一如婦人有賢德不為邪色亂正色孀居之子
能自持終身惟著大練衣又如正色立朝者不以柔媚
為姦欺以此論之乃可重人之不正將何為論色乃是
花之絕論德乃是花之傑洛陽花名古云好看花須看
揚州道君不見去年花下吹黑風霹靂閃電搜玉龍此
時半夜花光中不覺屈曲蟠長虹又不聞天上琳琅樹

生在烟霞最深處白雲枝葉白玉英此花莫是琳琅精
此花愛圓不愛缺一樹花開似明月裏王半夜指為雲
謝女黃昏吟作雪杏花俗艷梨花粗柳花細碎梅花踈
桃花不正其容冶牡丹不謹其體舒如此之類不足奇
此花之外更有誰世非紅紫不入眼江淮寂寞無人知

詩人自與花相期長告年年乞一枝

徐節孝

君不見揚州后土惜瓊花鬼神守護祝史誇要令天下
頌無雙掉頭不住君王家支流遠自靈源至顏色雖同

別名氏風流晚宿蝴蝶圍環珮曉聚仙人戲仙人已往
今無蹤身在花枝窈窕中似聞飲中之八仙飄飄豪氣
摩蒼穹身雖可滅名不窮魂交心與之死靡攜化為嘉
卉促膝圍春風請以此詩付守圃以告游子歸去無匆

匆韓似山聚八仙花
歌贈江淮肥遜子

舊聞瓊花無與雙專奇擅美名此邦江南清夢入詩府
安得一念令心降去年騎鶴揚州住斗酒屢眠雲霧窓
月寒雪冷花未吐正爾俗葉凡株樁心期妙處在真實

不假羽節青霓幢今春訪花我第一自折繁枝盛翠缸
橫看倒晚掉頭語前詩後賦何其哢真珠碎簇玉蝴蝶
直與八仙同一腔聞名見面足笑莞強為花瓣凡愚蠢
有如巨賢雜羣小望而可識為奇虎陳餘張耳信相似
一等人耳無純龙忠耶佞耶豈難別祝鮀不類關龍逢
試持此詩訊后土謂予不信如長江

方秋崖

夢中翠鳳飛來雙駕言后土游名邦手持玉簡判紅紫
斂衽故以詩城降粹容喜動日月角揖我入對玲瓏窻

為言瓊花近蓬閣下界久號無根樁乃今存者實本耳
補亡以給青油幢人間識真蓋已寡載酒嘉賓寧論缸
黃冠誕謫謹勿信傳訛聽舛其言哢為花作辨誰氏子
謬妄譜入黃鍾腔耳庸目陋惑世俗其罪不能三報燹
朱雲之孫亦奇士文有氣骨豐而虎謂瓊赤玉匪為白
不比俗論紛茸尤詩筒往來提於響夜發嚴鼓聲逢逢
咨爾岳為謝此老壯哉寸管搖濤江

七言絕句

誰移琪樹下仙鄉二月輕冰八月霜若使壽陽公主在

自當羞見落梅粧

王元之

春冰薄薄壓枝柯分與清香是月娥忽似寒天深澗底

老松擎雪自婆娑

淮海無雙玉藥花異時來自八仙家魯人未覩天中樹

乞與春風賞物華

劉原父

無雙亭上傳觴處最惜人歸月上時相見異鄉心欲絕

可憐花與月應知

秦太虛

后土祠中二月暮瓊花放後有蜂來東君不怕春歸去

留待詩人一夜開

宿 顧定

凝烟欲滿讀書窻忽有瓊花樹小缸更喜風流好名字

百金一朶號無雙

呂本中

斷腸風味久難尋尚有名花寄此心折盡長枝春已晚
只宜良月不宜陰

香得坤靈秀氣全藥珠團外蝶翩翩親曾后土祠中看
不是人間聚八仙

三月淮南鼓戰塵無雙亭下隘游人此花不解興亡意
也向年年開一春

馬橋山

七言八句

東方萬木競紛華天下無雙獨此花那有雪英凌暖日
不為琪樹隔流沙祠庭寂寞春空老江雨冥濛日易斜
仙品國香俱絕妙少傾高興盡流霞

劉原父

愛奇造物剪瓊瑰為鎮靈祠特地栽事紀揚州千古勝
名居天下萬花魁何人所却依然在甚處移來不肯開

浪說八仙模樣似八仙安得有香來

王洋

玉立祠庭久不衰
俄經剪伐重能栽
端知妙護有神力
更喜當時殲厥魁
種不他傳焉得子
年將豐稔輒多開
天生異物初無伴
只許翻堦近侍來

鄭良嗣和

瓊蕤走送寶瓶花
愧乏詩情用拜嘉
一種清香來月殿
十分雅態出仙家
細看后土春冰薄
未覺劉郎日影斜
擬跨胎禽塵幾隔
珠簾十里自繁華

徐意一

寂寂蕃釐觀裏花
伊誰封植得名嘉
應知天下無他本

惟有揚州是爾家種雪春溫團影密攢冰香重壓枝斜
倚闌莫問榮枯事付與東風管物華真似

蕃釐觀裏瓊花樹天地中間第一花此種從何探原委

春風無處著繁華千鬚簇蝶圍清馥九萼睽珠異衆葩

幾見朱衣和露剪金瓶先進帝王家

王月浦

樂府祖

虞美人

去年不到瓊花底蝶夢空相倚今年特地趁花來却欲

不教同醉遇花開
花知此恨年年有也
伴人俱瘦一枝和淚寄東風
應把舊愁新恨入眉峰

向子諲

去年雪滿長安樹
望斷揚州路
今年看雪在揚州
人望蓬萊深處
若為愁而今不恨伊
相誤自恨來何暮
平

山堂下舊嬉游
只有舞春楊柳似風流

前人

醜奴兒

無雙亭下瓊花樹
玉骨雲腴傾國稱
姝除却揚州是處無
天教紅藥來驂乘
桃李先驅總作花奴
翠擁紅遮

列玉都

前人

摸魚兒

柳蒙茸暗凌波路烟飛慘淡平楚七香車駐貌環掩送
認翠華雲母芳景暮鴛鴦悄銖衣來按飛瓊舞淒涼洛
浦漸玉漏沉沉清陰滿地乘月步虛去銷凝處誰說

三生

一作平安

小杜翔螭聲斷簫鼓情知禁苑酥塵浥

羞與倡紅同譜春幾度想依舊苔痕長印唐昌土風流

千古人在小紅樓朱簾半捲香注玉壺露

施雲隱

揚州慢

弄玉輕盈飛瓊淡佇襪塵步下迷樓試新粧繞了注流
水香毬記曉剪春冰馳送金瓶露濕緹騎新流甚天中
月色被風吹夢南州樽前相見似羞人蹤跡萍浮問
弄雪飄枝無雙亭上何日重游我欲纏腰騎鶴烟霄遠
舊事悠悠但凭闌無語烟花三月春愁

鄭覺齋

十里春風二分明月藥仙飛下瓊樓看冰花剪剪擁砌
玉成毬想長日雲堦佇立太真風骨飛燕風流斂羣芳

清麗精神初付揚州 雨窗數朶夢驚回天外香浮似

閨苑花神憐人冷落騎鶴來游為問江淮風景長空淡

烟水悠悠又黃昏羌笛孤城吹起新愁

趙虛齋

賀新郎

辜負東風約憶曾將淮南草木筆端籠絡后土祠中明

月夜忽有瑤姬跨鶴迴不比水仙低弱天上人間惟一

本倒千鍾玉露花前酌

玉露酒名是也

追往事怎忘却 移

根應費仙家藥漫回頭關山信斷堡城笳作問訊

而今平安否莫遣玉簫驚落但畫卷依稀描着

往年崔帥畫軸

見白髮愧無渡江曲與君家子敬相酬酢新舊恨兩交

錯

劉後村

客裏傷春淺問今年梅花因甚化工不管陌上芳塵行
處滿可計天涯近遠見說道迷樓左畔一似江南先得
暖向何郎庭下都尋徧辜負了看花眼古來好物難
為伴只瓊花一種傳來仙苑獨許揚州作珍羞便勝了
千千萬萬又却待東風吹綻自昔聞名今見面數歸期

屈指家山晚歸去說也稀罕

古潤

昭君怨

后土祠中標韻天上人間一本道號玉真妃字瓊姬

我與花曾半面流落花前重見莫把玉簫吹怕驚飛

劉後

村

滿庭芳


共慶春時滿庭芳思一枝玉蘂非常少年游冶何但折

垂楊曾向瑤臺月下逢解佩玉女翻香風光好真珠簾

捲都勝早梅芳 人間無比並蝴蝶樹爭敢相方既春
歸後此意難忘夜夢揚州萬玉飛魂共紫燕歸梁須行

樂馬家花圃不肯醉紅妝

馬古洲



全芳備祖前集卷五

欽定四庫全書

子部

全芳備祖前集卷六

七

詳校官中書_臣實汝翼

主事_臣祁韻士覆勘

總校官庶吉士_臣朱 鈐

校對官助教_臣卜維吉

謄錄監生_臣繆 瀛

欽定四庫全書

全芳備祖前集卷六

宋 陳景沂 撰

花部

玉藥花

事實祖

紀要

長安安業坊唐昌觀

唐昌公主
明皇女也

舊有玉藥花每發

若瓊林瑤樹元和中春物方妍車馬尋玩者相繼

忽一日有女子年可十七八衣繡綠衣乘馬綦髻雙鬟
無簪珥之飾容色婉麗迴出于衆從以二女冠二小僕
僕者皆緋頭黃衫端麗無比既下馬以白角扇障面直
造花所異香芬馥聞于數十步之外觀者以為出自宮
掖莫敢逼視竚立良久令小僕取花數枝而出將乘馬
回謂黃冠者曰曩有玉峯之約自此可以行矣時觀者
如堵咸覺烟霏鶴唳景物輝煥舉轡百餘步有輕風擁
塵隨之而去須臾滅望之已在半天矣方悟神仙之遊

餘香不散者經月時嚴給事休復相國劉賓客白醉吟
俱有聞玉藥院真人降詩云

康駢劇
談錄

雜著

李衛公玉藥天中樹金閨昔共窺注以為禁林有此本
吳人不識自大饒品題始得名然此為潤州招隱山作
也碑今裂為四段在通州廳中而招隱無霞有此花詢
之士人皆莫知為何物或云即今揚州后土祠瓊花乃
自王元之始易其名而晏元獻殊集則亦有翰林盛

諫議后土廟玉藥詩序云此花因王元之更名瓊花至
蘇文忠公軾長短句云后土祠中玉藥蓋指舊名也又
按晏元獻常以李善文選注質瓊花之說曰瓊乃赤玉
與此花不類而東坡亦云瓊赤玉也其意益欲辯証其
訛而許氏說文亦以瓊為赤玉云

蔡寬夫
詩註

沈傳師奉酬浙西尚書九丈招隱山觀玉藥戲書即事
見懷之作丹造今書其後云招隱玉藥花以二公詩著
名崇經兵燬花偶有而刻久失好事尋訪多不滿意佳

持置弗問者幾人矣普師來主法席求用治刻本礪石
重鐫游客玩花諸詩頓還三百年舊觀良足嘉美自晉
宋招隱名甲京口古松修竹清泉幽洞播在談咏誇詡
勝絕邇者採伐童赭實不副名覺師培植掃剔立志勿
倦加以年序蒼翠環合景物增邃師與此寺此詩同永
其傳尚勉之哉

漁隱
叢話

唐人題唐昌觀玉藥花詩以為瑒花即玉藥也廬陵段
諫叔有楊汝士與白二十二帖云唐昌玉藥以少故見

貴耳自來江南山山有之土人取以染衣不甚惜也則知瑒花為玉蘂斷無疑矣傅子容見此帖作絕句云比瑒更瑒總未佳要須博物似張華因觀異代前賢帖知

是唐人玉蘂花

曾慥端伯
高齋詩話

物以希見為珍不必異種也長安唐昌觀玉蘂乃今瑒花又名米囊黃魯直以山瑒者在江東彌山亘野殆與榛莽同而唐昌所產至于神女下游折花而去以踐玉峯之期是不持世俗罕見雖神仙亦不識也

容齋
隨筆

唐人甚重玉蘂故唐昌觀有之集賢院有之翰林院亦有之皆非凡境也予往因親舊自鎮江招隱來遠致一本條蔓如茶蘼種之軒楹冬凋春茂柘葉紫莖再歲始著花不久當成樹玉蘂花苞初甚微經月漸大暮春方八出鬚如冰紛上綴金粟花心復有碧筒狀類膽瓶其中別抽一英出衆鬚上散為千餘蘂猶刻玉然花名玉蘂乃在於此羣芳所未有也宋子京劉原父宋次道博洽無比不知何故疑為瓊花王元之知揚州但言未詳

何本俗呼為瓊花子京何故以誣元之蔡君又引晏同
叔之言以為証甚無謂也劉夢得雪藥瓊絲之句最為
中的何必拘李善赤玉為之注耶祐音陣南史劉香傳
所謂祐酒者予嘗得醞法芳冽異常山谷似不以香
傳為拘拘俗訛語作鄭而江南鄉音又呼鄭為瑒復疑
未妥於是創山礬之名然二詩并序初未嘗及玉藥止
因好事者偽作唐人帖故曾端伯洪景盧皆信之其實
諸公猶未見此花所謂信耳而不信目也

周必大

以玉藥為瑒起于曾端伯子與段謙叔之子元愷同里
巷往還至熟其父初無楊汝士帖小說難信類此尚有
楊巨源絕句今作冠篇至于孫句晁詞差訛如前說不
必再論姑附卷末

子充

戴顓字仲若捨宅為招隱寺寺在京口放鶴門外與鶴
林古竹院相望數里孤處于萬山荒涼之顓所由山徑
石卵纍纍不絕如綫是名招隱寺有朱元章隸碑以紀
仲若之出處方丈有閣號招華梁昭明選文于閣之左

有亭名虎跑鹿跑其泉清汎閣之右有亭名玉蘂魏扁
其上亭之下有玉蘂二株對峙一架其枝條彷彿乎葡萄
而非葡萄之所可比輪囷磊塊如古君子氣象焉其葉
類柘葉之圓尖梅葉之厚薄其花類梅而萼瓣縮小厥
心微黃類小淨瓶暮春初夏盛開葉獨後凋其白玉色
其香殊異而其高丈餘也是名玉蘂士人僉言此花自
唐迄今自天下與此寺只二株亦猶瓊花之于維揚千
餘年間凡幾遭兵燬幸存今唐長安曰玉蘂觀及御史

所居閣前往往不可稽考而僅餘此寺雖然李德裕沈
傳師劉後村詩句如新自可以究其終始欲天下皆知
此花非山礬非瓊花其夔出鮮儔而自成一家也故詳紀

其本末云

愚一子親歷
其寺審書

賦詠祖

七言散句

正是清澄秋雨夜空傳玉蘂發春晴

清臣

五言古詩

蒼崖何蟠回嘗為隱君宅

宋戴顓善琴
隱居於此

孰謂人琴亡松

風正蕭索花間雪英舞鹿去山泉冽

山有鹿
跑泉

經聲草堂

迴天香終夜發月落山氣深清猿嘯亦絕如何人外跡

輕與世網別

山谷
二首

玉蘂生禁林地崇姿亦貴散漫溪谷中蓬茨復何異清

芬信幽遠素彩非妖麗蒼烟蔽山日瓊瑤為之晦氣久

自扶踈巖深愈凝邃請觀唐相吟俗眼無輕視

以上係
咏潤州

招隱寺

玉蘂花

五言絕句

唐昌樹已荒天意眷文昌曉日微風起春時雪滿牆

鄭谷

五言六句

唐昌觀中樹曾降幾天人鸞駕久何許雪英如日春豈

無遺佩者來效捧心顰

宋祁並係咏
唐昌觀玉藥花

五言八句

玉藥天中樹金閨昔共窺落英閒舞雪密葉乍低帷舊
賞烟霄遠前歡歲月移今來想顏色還似憶瓊枝

李德裕

此係李德裕咏招隱寺玉蘂花詩寄江西沈大夫閣老
云此樹吳人不識因予賞玩乃得名又自注云翰林內

署沈大夫所居閣前有此樹每花落空中
回旋久之方集庭砌大夫嘗邀予同玩

曾對金鑾直同依玉樹陰雪英飛舞近烟樹動搖深素

萼年年密衰容日日侵勞君想華髮僅欲不勝簪

沈傳師

竹院過僧話山門掃地迎英雄猶有迹般若太無情玉

蘂春陰密琅玕晚署清半生來往屢也合送人行

劉後村

七言古詩

維揚后土廟瓊花安業唐昌宮玉蘂判然二物本不同

喚作一般良未是瓊花雪白輕壓枝大率形模八仙月
山谿野路多見之樵夫摧殘如獼猴比之玉蕊似實非
金粟冰絲那有此花鬚中有碧膽瓶別出瓏璁高半指
清馨靜夜衝九天招隱瑤臺女仙子乘風躍馬汗漫遊
偷折繁香分月姊紫莖柘葉茶蘼條少到尋常人眼底
翰林內苑集賢閣雨露承天近尺咫後生不識天上花
又把山礬輕比擬葉酸而澁供染黃不著霜縑偏入紙
江鄉老少知此名鄭枏場音無正字方言土諺隨舌訛

烏馬成馬固應爾

鄭松窓

七言古詩散聯

楊花可與名玉妃
楚花可與名玉女
天上瑤臺是本居

人在月宮合同處

徐孝節

新就明河洗面來
更佩明珠踏瑤席
不用朱鸞與紫霞

玉麒麟駕白雲臂

團酥刻玉淨無瑕
雅靜居然不塵污
須信掇之天上奇

細吐冰絲說心懷
我不是戴處士築
居玩賞慳詩句又

不是宋尚書剛記瓊花易名誤

楊誠齋

七言絕句

晴望素艷照霞新香灑天風不到塵持贈昔聞將白雪

藥珠宮上玉花春

楊巨源

味道齊心禱玉宸魂消眼冷未逢真不如滿樹瓊瑤藥

笑對藏花洞裏人

嚴休復
二首

羽車潛下玉龜山塵界何由覩玉顏惟有無情枝上雪

好風吹綴綠雲鬟

千枝花裏玉塵飛
阿母宮中見亦稀
應共諸仙鬪百草
獨來偷折一枝歸

九色雲中紫鳳車
尋仙來到洞仙家
飛輪回處無踪跡
惟有斑斑滿地花

玉女來看玉樹花
異香先引七香車
攀枝弄雪時回首

驚怪人間日易斜

劉禹錫
二首

雪藥瓊絲滿院春
羽衣輕步不生塵
君平簾下徒相問
長伴吹簫別有人

羸女偷乘鳳下時洞中潛歇弄瓊枝不緣啼鳥春饒舌

青瑣仙郎可得知

白居易

弄玉潛過玉樹時不教青鳥出花枝的應未有諸人覺

只是嚴郎可得知

元稹

琪樹年年玉蘂新洞宮長閉綵霞春日暮落英鋪地雪

獻花無復九天人

武元衡

一樹瓏鬆玉刻成飄廊點地色輕輕女冠夜夜香來處

唯有堦前碎月明

王建

芳意將闌風又吹白雲離葉雪辭枝集賢讐校無閒日

落盡瑤華君不知

白居易

七言八句

鳳池西畔圖書府玉樹玲瓏景物閒長聽餘風送天樂
時登高閣望人寰青山雲繞闌干外紫殿香來步武間

曾是先賢翔集地每看壁記一慙顏

劉禹錫

路入平山萬木清松蘿蒼蔚接烟甍鹿跑泉眼涵秋影
雁帶雲容度晚晴花徑有時傳相國蘇碑無字紀昭明

六朝金粉今何處贏得十年蕙帳名

岳東凡

纔入平園便有声唐昌觀裏久知名已堆玉璣分金粟

更飾銀花小翠罌蘿蔓春風滕薛長山磬香氣晉齊盟

世間百卉應無限不遇王公枉一生

楊東山

七言律詩散聯

江南春晚經行地賸有唐昌玉藥花露綺烟締無限態

冰清玉潤自成葩

劉元叔

樂府祖

下水船

百紫千紅翠惟有瓊花特異便是當年唐昌觀中玉蕊
尚記得月裏仙人來賞明日喧都市甚時又分與揚
州本一朶冰姿難比曾向無雙亭邊半酣獨倚似夢覺
曉出瑤臺十里猶憶飛瓊標致

晁補之

全芳備祖前集卷六

欽定四庫全書

全芳備祖前集卷七

宋 陳景沂 撰

花部

海棠

事實祖

碎錄

海棠為花中神仙

唐賈肥

花木以海為名悉從海上來

李贊皇集

以梅聘海棠但恨不同時耳
金城記海棠有

色無香惟蜀中嘉州海棠有香其木合抱

花譜

紀要

唐明皇曾召太真妃妃被酒新起帝曰此乃海棠花睡

未足耳

楊妃傳

杜子美母名海棠所以集中無海棠詩

詩話劉淵村有三恨一恨鯢魚多骨二恨金橋太酸三

恨海棠無香 羅隱為錢塘令嘗手植海棠一本於舊

治庭前王禹偁有詩賦之

見賦咏祖

徐老作海棠巢飲

其上

山谷詩注

真宗御製有雜花十題以海棠為首

賜羣臣唱和

沈立記

曾端伯十友調笑令取友於十花

芳友蘭也清友梅也奇友臘梅也殊友瑞香也淨友蓮
也禪友薝蔔也佳友菊也仙友巖桂也名友海棠也韻
友茶蘼也仍有玉友來奉佳賓酒也

詞話

雜著

仁宗朝張晃學士賦蜀海棠詩沈立所以載諸海棠記
中云山木瓜開千顆顆水林檎發一攢攢注云大約木
瓜林檎花初發皆與海棠相類若晃言則江西人正謂

海棠梨花耳惟紫綿色者正謂之海棠沈立記言其花
五出初則極紅如胭脂點點及開則漸成纈暈至落則
若宿粧淡粉審此則似木瓜林檎二花若非真者矣晏
元獻云已定復搖春水色似紅還白海棠花然則張晁
亦與元獻同意耳復軒漫錄惟紫綿色者謂之海棠餘
乃棠梨花耳江浙間有一種柔枝長蒂顏色淺紅垂莢
向下謂之垂絲海棠與此不同類蓋強名耳

賦咏祖

五言散句

花謝東風老

皮日休

海棠睡未足

劉後村

野蘭開未落

沈約

紅透海棠嬌

戴石屏

海棠花在否側卧卷簾看

韓偓

要識吳同蜀須看綫海棠

聖俞

醉生燕玉頰瘦聚楚宮腰

燕友色欲滴紫蠟蒂何長

當時杜子美吟編獨相忘

臥聞海棠花泥污胭脂雪

東坡

杜甫句何畧薛能詩未工

王元之

香裏無勑敵花中是至尊

別疑天與態不是地生根

日高春睡足露冷曉粧遲

白香山

一片海雲紅報是花飛去

李春山

七言散句

蜀州海棠勝西川

聖俞

只應夢夢多佳思誰與繁紅却負春

汪內翰

萬藥紛妍照畫堂一林春思尚緘藏

程金紫

舊叢還有香心在却被西風管領歸

精神不比籬邊菊莫把尋常醉眼看

過却海棠渾不省夢中猶自詠梅花

嚴榮

綠章夜奏通明殿乞借春陰護海棠

陸放翁

疑是當年錦步障至今留得罩春風

俞海洞

翠幄不聞楊柳晚紅雲初上海棠春

湘山居士

海棠照日倚垂楊萬縷千絲影零亂

清非居士

淺著燕支調淡粉細將瑪瑙碎鋪茸

楊東山

效顰已笑林檎粉諧俗偏嫌謝豹緋

北澗

却恨韶華偏蜀土更無顏色似川紅

吳仲俊

只為人前逞顏色天工罰取不教香

王方君

嬌容自是難將息也愛春晴也怕晴

筆栗齋

有客不來吾興懶海棠開盡更無詩

黃萬齋

翠草庭前生意足甘棠堤上去思多

厲小山

蜀樹成行翠竹圍

朱元晦

獨倚闌干正惆悵海棠花裏鷓鴣啼

張翥

未知此日家園樂數徧繁枝衮衮紅

濯雨正疑宮錦爛媚時先奪曉霞紅

范純仁

綠嬌隱約眉輕掃紅嫩妖嬈臉薄粧

王荆公

少陵為爾牽詩興可是無心賦海棠

纔經暖律移新歲旋見繁紅滿故枝

鬱鬱蒼髯真道友絲絲紅萼是鄉人

東坡

驟暄不為海棠計長晝只添鸚鵡愁

顧濱

自憐病眼猶明在更把名花半醉看

秦敏

濯錦江頭千萬枝小年未解惜芳菲

韓持國

燕支濃透春風面翡翠新裁生色衣

楊廷秀

自是新晴生意思起來無力對春風

未晚啼鶯相喚語海棠飛盡一庭紅

陳止齋

天寒日晚行人絕自落自開還自香

張芸叟

燕子不禁連夜雨海棠猶待老夫詩

陳去非

雨餘妃帶華清沐雲暮仙從絳闕來

趙庸齋

固宜夜裏稱名友已向園中壓衆芳

王梅溪

杜陵應恨未曾識空向成都結草堂

流鶯似避宮粧靚黃鵠銜將蜀種來

曾全

野客歸時山月上棠梨葉顫暝禽啼

白香山

台嶺分霞爭抱萼蜀宮裁錦闌纏枝

宋景文

五言古詩

景暄林氣深雨罷寒塘綠置酒此佳辰尋幽幕前躅翠

樹麗臘華紫烟散清馥當由懷別恨寂寞向空谷

朱文公

高枝笑粲粲低枝明鑠鑠但與風相撩不與風相得風

吹莫苦急游子歎日昃彭祖與顏回相去獨瞬息

梅聖俞

盛若霞藏日鮮於血灑空高低千點赤深淺半開紅粧

粉朱纔布膏唇檀更融色焦無可壓體瘦不成豐

石曼卿

摇摇牆頭花朝開一何遽柔態不能勝幽情若有竚

王岐

摇摇牆頭花脉脉含幽姿把藥惜青春將以遺所思所

思在天外望望不可期

搖搖牆頭花笑笑弄春色荒涼衆草間露此紅的皜草
木本無情及時如自得

朝看開尚少暮看繁已多不惜花開繁所惜時節過昨
日枝上紅今夕隨流波物理固如此古來知奈何

歐陽公

金鞭過南市紅燭宴西樓千株誇盛麗一枝賞纖柔那
知茅簷底白髮見花羞花亦如病姝掩抑向客愁

陸務觀

月下看茶蘼燭下看海棠此是看花法不可輕傳揚茶
蘼暗處看紛紛滿架雪海棠明處看滴滴萬點血

戰戰雖聚頭脉脉俱俛地既言是姊妹人却相妬忌面

痕赤未沒盡是傷爪指不然睡未醒被人沃井水

李泰伯

花葉兩分明春陰取簾幙東風吹不斷日暮胭脂薄

陳去

非

柔條還自立絕色所不關昂然氣格高下視羣卉陋

程金

紫

恐淡添猩血衿香棄麝煤蛟綃翡翠帳密鈿珊瑚盃

徐孝

郎

五言絕句

公館似仙家
池清竹徑斜
山禽忽驚起
衝落半庭花

劉禹錫

艷翠春鋪骨
妖紅醉入肌
花仙別無訣
一味惱燕支

楊廷秀

五言排律

桂寧辭月窟
桃合避仙源
贈別難饒柳
忘憂好樹萱
輕飛燕舞脉
脉息嬌言蕙
陋虛侵徑梨
凡浪占園論
心

留蝶宿低面厭鶯喧不奈神仙品何辜造化恩烟愁思
舊夢雨泣怨新婚畫恐明妃恨移同卓氏奔

王安石

五言八句

春色池塘綠忽驚花嶼紅亂英深淺色芳氣有無中置
酒賓朋集披襟賞咏同若非摹寫得應逐綵雲空

朱元晦

五言律詩散聯

西域流根遠中都屬賞偏初無可比色意不許勝妍薄
暝霞烘爛平明露濯鮮長衾繡作地密帳錦為天

宋景文

穠芳不隱葉併艷欲然枝
裂彩分羣萼勻霞點萬
蕤回
文錦成後甲煎燎烘時

好風傳馥郁凡卉愧芬芳
爛熳雪成瑞歲蕤幄有
蕚

程金

紫

詩裏稱名友花中占上游
風來香細細何獨是嘉州

王梅

淡

七言古詩

江城地瘴蕃草木只有名花
苦幽獨嫣然一笑竹籬間

桃李漫山總粗俗也知造物有深意故遣佳人在空谷
自然富貴出天姿不待金盤薦華屋朱唇得酒暈生臉
翠袖卷紗紅映肉林深霧暗曉光遲日煖風輕春睡足
雨中有淚亦淒愴月下無人更清淑先生食飽無一事
散步逍遙自捫腹不問人家與僧舍拄杖敲門看修竹
忽逢絕艷照衰朽歎息無言指病目陋邦何處得此花
無乃好事移西蜀寸根千里不易到銜子飛來定鴻鵠
天涯流落俱可念為飲一樽歌此曲明朝酒醒還獨來

雪落紛紛那忍觸

東坡

帝城二三月海棠可萬株向來青女輕滕六戲與一撼
即日枯東皇夜遣司花女手接紅藍滴清露染成片片
淨練酥亂點梢梢酣日樹蓬萊仙人約老翁寄牋招喚
陸龜蒙為花一醉也不惜就中一事最奇特海棠兩岸
繡帷裳是間橫著雙胡牀龜蒙踞牀忽倒臥烏紗自落
非風墮花吹滿面雪霏霏起來索筆手如飛卧去起來
都是韻是醉是醒君莫問好箇海棠花下醉臥圖如今

畫手誰姓吳

楊誠齋

厭煩只欲長面壁此心安得頑如石杜門復出歎習氣
止酒還開慙定力成都二月海棠開錦繡裏城迷巷陌
燕宮最盛號花海伯圖雄豪有遺跡猩紅鸚綠極天功
疊夢重跼曜朝日繁華一夢忽吹散開眼細思猶歷歷
憂樂相尋豈易知故人應記醉中詩夜闌風雨嘉州驛
愁向屏風見折枝

陸放翁

常年春半花事竟今年春半花始盛衰翁不減少年狂

走馬直與飛蝶競妍華有露洗愈明纖弱無風搖不定
莫教飄零作紅雨剩著倩笑臨粧鏡溪梅枯摘墮巖谷
山杏輕浮真妾媵欲誇絕艷不勝說縱欠濃香何足病
華燈銀燭搖花光翠杓金船豪酒興夜闌感事獨淒然

繁枝空折誰堪贈

放翁

洛陽春信久不通姚魏開落故塵中揚州千葉昔曾見
已歎造化無餘功西來始見海棠盛成都第一推燕宮
池臺掃除凡木盡天地轉盼花光紅慶雲墮空不飛去

時有絳雪縈微風蜂蝶成團出無路我亦狂老迷西東
此園低樹猶三丈錦繡却在青天上不須更著剪刀裁
乞與齊奴開步障

放翁

七言古詩散聯

朝看不足暮秉燭何暇更尋梅與杏青泥劍棧將度時
跨馬英辭霜氣冷

聖俞

杜陵先生詩萬紙剝欲題花無可擬昭陽深殿睡東風

一日聲名勝妃子

趙介菴

七言絕句

濃淡芳春滿蜀鄉半隨風雨斷鶯腸
浣花溪上空惆悵

子美無心為發揚

鄭谷

名園封殖幾經春
露葉烟梢畫不真
多謝許昌傳雅什
蜀都曾不過詩人

昔聞遊客話芳菲
濯錦江頭幾萬枝
縱使許昌持健筆
可憐終古愧幽姿

江東遺跡在錢塘
手植庭花滿院香
若使當年居顯位

海棠今日是甘棠

王禹偁

東風嫋嫋泛崇光
香霧霏霏月轉廊
只恐夜深花睡去

高燒銀燭照紅妝

東坡

海棠院裏尋春色
日炙嬌紅滿院香
不覺春風都過了

東窗渾為讀書忙

山谷

為愛苞香照地紅
倚闌終日對芳叢
夜深忽憶高枝好

把酒更來明月中

文與可

看花南陌復東阡
曉霧初乾日正妍
走馬碧雞坊裏去

市人喚作海棠顛

放翁
七首

為愛名花抵死狂，只愁風日損紅芳。
綠章夜奏通明殿，乞借春陰護海棠。

花陰掃地置清樽，爛醉歸時已夜分。
欲睡未成欹倦枕，輪囷帳底見紅雲。

宣華無樹著啼鶯，惟有摩訶春水生。
故老能言當日事，直將宮錦裏宮城。

枝上猩猩血未稀，樽前紅袖翠成圍。
應須直到三更看。

畫燭如椽為發揮

重萼丹砂品最高可憐寂寞棄蓬蒿
會當車載金錢去買得春歸未是豪

絲絲紅萼弄春柔不似疎梅只慣愁
常恐夜寒花索莫錦茵銀燭按梁州

露揉雨漬柳方濃日曬風熏杏正烘
祇有海棠非渲染

粟來大小便鮮紅

楊誠齋
二首

百株都好却嫌渠練水東邊第一枝
開與未開相間看

濃紅密密淡疎疎

夜雨朝晴花睡餘
海棠傾國萬花無
館娃一樣三千女
露濕燕支洗面初

憶向宣華夜倚闌
花光妍煖月光寒
如今蹋颯嫌風露

且看銅瓶滿挿看

范石湖

淡月看花似霧中
遽呼燈燭倚花叢
夜來月色明如晝

却向庭蕪數落紅

止齋

未須比擬紅深淺
更莫平章香有無
過雨夕陽樓上看

千花那有此數腴

張南軒

古寺留春最得多些紫薇花畔海棠窠無人歲晚同幽獨

古樹陰森著薜蘿

張于湖

傳芳遠遠自西鄰錦傘高張熨眼新花睡覺來紅淚落

年年如憶故宮春

曾景建

萬紅夾路笑相迎彷彿前身石曼卿若向花中論富貴

芙蓉城方海棠城

劉後村

幾樹繁紅映碧灣亭蘿山下見芳顏分明消得黃金屋

却隨荒溪野徑間

色深乍擣守宮紅
片細俄隨蛺蝶風
到得離披無意緒
精神全在半開中

淡賞無煩羯鼓催
解鞍便可坐莓苔
莫將花與楊妃比
能與三郎作禍胎

十月園林不雨霜
朝曦赫赫似秋陽
夜來聽得游人語

不見梅花見海棠

戴石屏

少陵不賦海棠詩
留得風流相國詞
聞種錦窠三百本

春風纔起蜀人思

金大用

海棠點點要詩催
日暮紫綿無數開
欲識此花奇絕處

明朝有雨試重來

陳去非

紅粧翠袖一番新人向園林作好春
却笑華清誇睡足
只今羅襪久無塵

深院無人春日長
游蜂來往燕飛忙
海棠嬌甚成羞澀

憑仗東風催曉粧

湛道山

依依楊柳已藏鴉
風度鶯聲到碧紗
洗盡春光連夜雨

海棠贏得兩三花

趙信
菴

幾樹繁紅一徑深
春風裁剪錦成屏
花前莫作淵村恨

且有楊妃睡未醒

北山

向晚鸞牋擘硯紅
相煩歸燕簡東風
酬春未得偷閒力

遲放海棠花幾叢

俞梅
山

幾多紅紫赴晨粧
少待嬌羞似海棠
自是東風分處劣

饒他顏色減他香

黃書
隱

換却春衫又怯單
東風喋凜海棠寒
清明節近歸期遠

又是將花客裏看

劉克齋

空谷嫣然笑靨開春風元自蜀山來少陵忘汝渾閒事

更有離騷忘却梅

曾茶山

小春破白惟梅耳檢點南枝花尚遲自是天工薄寒素

東風先到海棠枝

勉意

君王勤儉御經筵閒却羊車今幾年白髮宮人無職事

海棠花下曠西甌

雪湖

貪詩閒費一生心水際雲崖到處尋可惜春花吾老矣

海棠烟雨閉門深

鄭雲林

移根千里入名園
酒暈紅嬌氣欲昏
待得太真春睡醒

風光已不似開元

陳三與

無波可照底須窺
與柳爭嬌也學垂
破曉驟晴天有意

生紅新曬一絢絲

楊誠齋

不關殘醉未醒鬆
不為春愁懶散中
自是新晴生睡思

起來無力對東風

誠齋

七言八句



靚粧濃艷雨濛茸高下池臺細細風却恨韶華偏蜀土
更無顏色似川紅尋芳只恐三春暮把酒欣逢一笑同

子美詩才猶閣筆至今寂寞錦城中

吳中復

春風用意勻顏色銷得攜觴與賦詩穠麗最宜新著雨
妖嬈全在欲開時莫愁粉黛臨窗懶果信丹青點染遲

朝醉暮吟看不足羨他蝴蝶宿深枝

鄭谷

誰道名花獨故宮東城盛麗足爭雄橫陳錦障闌干外
盡吸紅雲酒琖中貪看不足持夜燭倍狂真欲擅春風

拾遺舊咏悲零落瘦損腰圍擬未工

放翁

四面週遭國艷叢危亭頓在艷叢中天開錦幄三千丈
日透紅粧八萬重積雨乍晴偏楚楚東風小緩莫匆匆

為花一醉非難事且道花穠復酒醲

誠齋五首

竹邊臺榭水邊亭不要人隨只獨行乍暖柳條無氣力
半晴花影不分明一番雨過來幽徑無數新禽有喜聲
只欠翠紗紅映肉兩年寒食負先生

吾詩多為海棠歌花意依然怨不多已折未開渾是韻

乍濃還淡總由他留連春色能闕底請把東風定肯麼
豈是少陵無句子少陵未見欲如何

小園不到負今晨晚喚嬌紅伴老身落日爭紅那肯暮
艷粧一出更無春林開露坐看搖影酒底花光併入唇
銀燭不燒渠不睡梢頭恰恰挂冰輪

垂絲別得一風光誰道全輸蜀海棠風攬玉皇紅世界
日烘青帝紫衣裳懶無氣力仍春醉睡起精神欲曉粧
舉似老夫新句子看渠桃李敢承當

幽姿淑態弄春晴
梅惜風流柳惜輕
刺種直教臨野水
半開長是近清明
幾經夜雨香猶在
染盡胭脂畫不成
詩老無心為題拂
至今惆悵似含情

劉屏山

胭脂為臉玉為肌
未赴春風二月期
曾比溫泉妃子睡
不吟西蜀杜陵詩
桃羞艷冶應回首
柳妬妖嬈祇皺眉
燕子欲歸寒食近
黃昏夜院雨絲絲

朱淑真

子美無詩到海棠
酒邊遊戲畧平章
日烘不睡却成睡
風暖無香却自香
花事一番勞應接
春光強半被分張

速來窠上尋徐老同醉花前作楚狂

徐竹隱

七言律詩散聯

一枝低帶流鶯睡數片狂隨舞蝶飛堪恨路長移不得

可無人與畫將歸

鄭谷

輕盈千結亂櫻叢占得年芳近碧櫳逐處開齊高下朶

幾番分破淺深紅

晏元獻

宛轉風前不自持妖嬈微傳淡胭脂花如剪綵層層見

枝似輕絲裊裊垂

斯庵

樂府祖

訴衷情

海棠枝綴一重重清曉近簾櫳
胭脂淡誰勻偏偏向臉邊濃
看葉嫩惜花紅意無窮如花如葉
歲歲年年共

占春風

晏元獻

桃源憶故人

碧紗影弄東風曉一夜海棠開了
枝上數聲啼鳥粧點愁多少
妬雲恨雨腰支裊眉黛不堪重
掃薄倖不來

春色老羞帶宜男草

秦少游

添春色

喚起一聲人悄衾枕夢寒窗曉瘴雨過海棠開春色又

添多少社甕釀成微笑半破柳瓢共留覺顛倒急投牀醉

鄉廣大人間小

秦少游

木蘭香

一簾疎雨道是無情還有思坐久魂銷風動朱唇點點

嬌生平浩氣靜樂機闕隨處是熏透寒衾蝴蝶休縈

萬里心 徐介軒

如夢令

昨夜雨疎風驟濃睡不消殘酒試問卷簾人却道海棠

依舊知否知否應是綠肥紅瘦

李易安

蝶戀花

濯錦江頭春欲暮枝上繁紅著意留春住祇恐東君嫌
面素新粧賸把燕支傅 曉夢驚寒初燕過揭起珠簾

問有餘花雨悵望草堂無一語丹青傳得疑情處

王道輔

前日海棠猶未破點點胭脂染就真珠顆今日重來花
下坐亂鋪宮錦春無那 賸摘繁枝簪幾朶痛惜深憐
只恐芳菲過醉倒何妨花底臥不須紅袖來扶我

張村
浦

洞仙歌

羣芳未盡是海棠時候雨過寒輕好晴晝最妖嬈一樹全
是初開雲鬟小塗粉施朱未就 全開還自好駘蕩春餘
百樣宮羅鬪繁繡縱然無語也應心恨我來遲恰柳絮將
春歸後醉猶倚柔枝恰黃昏這一點愁須共花同瘦

晁元
咎

感皇恩

常歲海棠時偷閒須到多病尋芳懶春老偶來恰直半謝妖
嬈猶好便呼詩酒伴同顛倒繁枝高蔭疎枝低繞紅底盃
盤花影照多情一片我歸來不早斷腸鋪碎錦門前道

錦園春

醉痕潮玉愛柔英未吐露華如簇絕艷矜春分流芳金谷
風梳雨沐偏只欠夜闌清淑杜老情疎黃州恨冷誰憐

幽獨

張于湖

點絳脣

絲藥垂垂嫣然一笑新粧就錦亭前後燕子來時候誰

恨無香試把花枝嗅風微透細熏錦袖不獨嘉州有

王梅溪

醉落魄

馬蹄塵撲春風得意笙歌逐款門不問誰家竹只揀紅粧

高處燒紅燭碧雞坊裏花如屋燕王宮下花成谷不須

悔唱關山曲只為海棠也合來西蜀

范石湖

芳塵休撲名花喚我相隨逐淺粧不比梅欺竹深注朱唇

粉面稱紅燭 阿嬌合貯黃金屋是誰却遣來空谷
酡顏
偏倚闌干曲一段風流不枉到西蜀

京松坡

殢人嬌

多少燕支勻成點就千枝亂攢紅堆綉花無長好更光陰去
對景憶良朋故應招手 曾記年時花開把酒枉淋淋春衫
濕透文園今病問速能來否却道有荼蘼牡丹時候

張智宗

滿江紅

老子年來頗自許心腸鐵石尚一點銷磨未盡愛花成癖

懊惱每嫌寒勒住丁寧莫被晴烘折奈暄風烈日太無情如
何得張畫燭頻頻惜憑素手輕輕摘更幾番雨過彩雲

無迹今日不來花下飲明朝空向枝頭覓對殘紅滿院杜

鵲啼添愁寂

劉後村

卜筮子

嬌艷醉楊妃輕裊憐飛燕人在昭陽睡足時初試粧深淺
一段錦新裁萬里來何遠高燭休教照夜寒盈臉融

春暖

葉石林

盡是手栽成合得天饒借風雨于花有底讐著意相陵
藉 做暖逼教開做冷催教謝不負明年花下人只負

栽花者

劉後村

水龍吟

東君直是多情好花一夜都開盡杏梢零落藥欄遲莫
不教寧靜風度秋千日移簾幙翠紅交映正太真浴罷
西施濃抹都沉醉嬌相稱 磨徧綠窻銅鏡挽春衫不
堪比並暮雲空谷佳人何處碧苔侵迳睡裏相看酒邊

凝想許多風韻問因何却欠一些香味惹傍人恨

馬莊父

摸魚兒

甚春來冷烟淒雨朝朝遲了芳信
驀然乍暖晴三日又
覺萬株嬌困霜點鬢潘令老年年不帶看花分才情減
盡悵玉局飛仙石湖絕筆辜負這春韻
傾城色懊恨
佳人薄命牆頭岑寂誰問東風日暮無聊歎吹得胭脂
成粉君試認花共酒古來二事天尤吝年光去迅謾綠
葉成陰青苔滿地做取異時恨

劉後村

如夢令

江上綠楊芳草想見故園春好一樹海棠花昨夜夢魂

飛繞驚曉驚曉窗外一聲啼鳥

吳復齋

木蘭花慢

漸秋空向晚被風雨趲重陽正木落疎林海棠枝上忽
見紅粧料應妬他蘭菊任年年獨自占秋光故把春風
嬌面向人逞艷呈芳看來畢竟此花強祇是欠些香
悄一似五陵公子却厭膏梁肯來水邊竹下與幽人相

對說淒涼只恐夜深花睡去五更微有清霜

劉叔疑

二郎神

深深院夜雨過簾櫳高捲正滿檻海棠開欲半仍朶朶
紅深紅淺遙認三千宮女面勻點點燕支未徧更微帶
春醪宿醉裊娜香肌嬌臉日暖芳心暗吐含羞輕顫
笑繁杏夭桃爛漫愛容易出牆臨岸子美當年游蜀苑
又豈是無心眷戀都只為天然體態難把詩工裁剪

王梅

溪

念奴嬌

綠雲影裏把明霞織就千重文繡紫臙紅嬌扶不起好
是未開時候半怯新寒半宜晴色養得胭脂透小亭人
靜嫩鶯啼破清晝猶記攜手芳陰一枝斜帶艷嬌波
雙秀小語輕憐花總見爭得似花長久醉淺休歸夜深
同睡明月還相守免教春去斷腸空歎詩瘦

謝竹友

水龍吟

晝長庭院深深春柔一枕流霞睡朦鬆欲醒嬌羞還困

錦屏圍翠豆蔻初肥櫻桃微綻玉欄同倚記華清欲起
渭流波暖紅漲膩棄脂水燕子來時天氣儘韶光與
他為地芳叢雨歇霞痕日灑英英仙意莫恨無香最憐
有韻天然情致待問春能幾五更猶是待今宵醉

方秋崖

如夢令

雨洗海棠如雪又是清明時節為怕曉粧殘心緒替
花愁絕愁絕愁絕誰與春風分說

臨江仙

翠袖卷紗紅映肉無風玉骨生寒可堪清曉雨初殘
顰眉誰惱著粉淚滴闌干聞道謫仙歌妙語新粧再發
愁顏霧簾雲幙薦金盤筆間長借句直莫放春還

藏六居士

南鄉子

十月小春天紅葉紅花半雨烟點滴紅酥真耐冷爭先
奪取梅魂鬪雪妍坐待曉鶯遷織女機頭蜀錦鮮枝
上綠毛么鳳子飛仙乞取雙雙作被眠

李古叔

踏青游

濯錦江頭羞殺艷桃穠李縱趙昌丹青難比暈輕紅留
淺素千嬌百媚照綠水恰如乍臨鸞鏡妃子弄粧猶醉
詩筆因循不曉少陵深意但滿眼傷春珠淚燕來時

鶯啼處年年憔悴便除是秉燭凭欄吟賞莫教夜深花

睡

陳濟翁

菩薩蠻

東風去了秦樓畔一川烟草無人管芳樹雨初晴黃鸝
三兩聲海棠花已謝春事無多也只有牡丹時知他

歸不歸

劉叔擬

燭影搖紅

蜀錦華堂寶箏頻送花前酒妖嬈全在半開時人試單
衣後花面圓春競秀如紅潮玉顙微透欲甦還墜淺酒
扶頭朦朧晴晝金屋名姝恨情空貯閒眉岫世間還
有此娉婷拚盡珠量斗真艷可令消受倩鶯催天香共
袖冷烟庭院淡月梨花空教春瘦

劉處靜

棣棠

甘棠附

事實祖

碎錄

棠棣移也

注

似白楊江東呼為夫移棠棣即夫移也一

名奧李一名爵梅

出禮記

又詩云山有苞棣亦然

小雅

紀要

棠棣燕兄弟也閔管蔡之失道故作棠棣焉棠棣之華
鄂不韡韡疏鄂猶鄂鄂然言外發也韡韡光明也箋承
華者曰鄂鄂足也鄂足得華之光明則韡韡然盛喻弟

以敬事兄兄以榮履弟恩義之顯亦韓韓然又云常棣

花反而復合

詩小雅

雜著

豈以梨有用之為貴杜無用之為賤昔在召伯聽訟述

職甘棠作頌垂之罔極

晉孫綽賦

甘棠

碎錄

杜者赤棠甘者白棠杜梨也

有杜注之

沙棠如棠子

如李無核

呂氏易

紀要

甘棠召伯聽訟也召伯之教明于南國蔽芾甘棠勿剪

勿伐召伯所爰

詩召南

召伯在朝有司請召民伯曰不

勞一身而勞百姓非吾先君之志也於是廬于棠下百

姓大悅詩人歌焉

賦咏祖

五言律詩散聯

潘賦幽芳在周詩榮萼傳佛輪千輻細公帶萬釘圓宋
夫景

七言八句

更衣入侍宮中貴
鞞鞞共黃殿後花
鬬色長宜日光近
生輝尤喜蓋陰斜
依稀鞠服開風袂
約畧仙盤裏露華
不與艷桃偷結子
漫天飛去作朝霞
梅聖俞

樂府祖

蝶戀花

花為年年春易改待放柔條繫取春常在宮樣粧成還
可愛髻邊舒作拖枝戴每到無情風雨壞點檢羣芳
却是深叢耐搖曳綠羅金縷帶丹青傳得妖嬈態



全芳備祖前集卷八